

Le dotur Eduard Agreiter é demez dai 5 ai 7 de dezember (dedolön. - dedemesal.) é vëgn sostitui dala doturia Grete Mahlknecht (0474 523 018 – 349 06 67 034).

PLOANIES DA SAN MARTIN Y LUNGIARÜ

Funziun de concluiun dla Vijita Pastorală, incö domënia, ai 26 de novëmer: Dales 16.30 pëia ia, dala colonia de San Linert demez, la prozesciun cun ciandëres (les ciandëres vëgn metüdes a disposiziun dala cöra de Badia) che vá spo cuntra Oies, olach'al é dales 17.00 la funziun de concluiun adöm cun le Vësko. Düc è dër bel invia.

Dates da se recordé por le 2018: 10 - 12 de ma: Dis dles crusc; 13 de ma: Pröma comuniun a San Martin; 27 de ma: Pröma comuniun a Lungiarü; 7 - 9 de jügn: Prozesciun de Jeunn.

En gaujiun dl dé internazional dl voluntariat é düc i voluntars/ares y dötes les uniuns, che á fat val' sorvisc de voluntariat ia por l'ann tla Ciasa de Palsa, invia a na mëssa de rengraziamënt cun n pice renfresch en sabeda, ai 2 de dezember, dales 15.30, tla capela dla Ciasa de Palsa. I oressun insciö ves dí dilan de döt ci ch'i ëis fat. Dër bel invia é ince chi che é interessá da surantó tl dagní val' sorvisc de voluntariat.

SAN MARTIN

En domënia, ai 3 de dezember, é le grup di sorvidus che invieia düc dër bel da gní do mëssa ia tl salf di stödafüch a n café o na boanda cun turta.

LUNGIARÜ

Le Cor de Dlijia da Lungiarü tëgn indô n pice marcé en Santa Lizia. La jënt é bel periada da daidé cun patüc da vëne, da dé jö a n ciantadú o a na ciantarina. Präibel y dilan.

Le Cor de Dlijia y la Musiga da La Pli invieia dër bel al concert de Santa Zezilia incö domënia, ai 26/11, dales 15.00, tla Ciasa dles Uniuns (denant Öspi dales 14.00).

Le Sorvisc ai Jogn Val Badia invieia dër bel en vëndres, al 1/12, dales 19.30 tl Pice Salf a La Val, al referat cun fotografies de Tobia Lezuo, che cunta de süa esperiënza ch'al á albü sciöche volotar tla cité Huaraz tl Perú. Düc é dër bel invia!!

La Spona (salf de laur protezioné) a Pidró invieia düc da gní a se ciáfé al Marcé da Nadé en domënia, ai 3/12, dales 10.00 ales 17.00. Al vëgn venü de vigni sort de bel patüc fat a man. Lapró ciáfëise ince da cumpré libri dla Uniun di Ladins Val Badia y dl Istitut Ladin Micurá de Rü.

I parënc di ghesc dla Ciasa de Palsa y düc i interessá é invia en dedemesaledema, ai 29/11, dales 16.00, tla Ciasa de Palsa. Al gnarà baié dl'igiena dles mans, presenté le sorvisc de fisioterapia, splighé les responsables nöies de repart y dl'impostaziun dl laur tla Ciasa de Palsa. Al sará ince la poscibilité da baié cun les responsables de repart.

Referat tigní da Alexander Liotto, en jöbia, ai 30/11, dales 20.00 tl salf di stödafüch a San Martin "Co fá da avëi tres na buna autostima y co ti insigné ai mituns da l'avëi". Le cost de partezipaziun é de 35 €. Iscriziuns davertes cina ai 28/11 pro Alexander 340 54 72 959 o alexanderliotto9@gmail.com.

Döt le bun a chi che complësc i agn de dezember

a San Martin: Ida Dejaco che nen complësc 90 ai 25

a Lungiarü Marino Clara che nen complësc 86 ai 12
Angela Sorá Daporta che nen complësc 80 ai 27



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

26.11.17 – 03.12.17 nr. 53

termo da publiché: jöbia 20.00
radio: 90,40 / 93,70



FESTA DE CRIST RE – Ann A

Vangele: Matî 25,31-46

Canche le Fi dl Om vëgn te süa gloria y düc i agnui cun ël,
se sentaral söl tron de süa gloria.
Y düc i popui gnarà cherdà adöm dan da d'ël,
y ël i cernarà indalater, sciöche le famëi cern les bisces dai moç....
Dailò ti dijarà le re a chi a süa man dërta:
Vigni ota ch'i ëis fat chëstes cosses
ci ch'i ëis fat de bëgn a un de mi mëndri fredesc, chël ëise fat a mé.
Spo s'ojaral ince pomez a chi a man ciampa y ti dijarà: ...
Ci ch'i nëis nia fat de bëgn a un de mi mëndri, chël n'ëise nia fates a mé.

*Gejú cunta chiló na parabola
y confruntëia le règn dl cil cun imajes che la jënt conësc.*

*Gejú n'ó nia che sües paraboles
vëgnes tutes parora por parora,
mo ch'ares vëgnes tutes söl sciode,
dantadöt les döes frases:*

*„Ci ch'i ëis fat a mi mëndri fredesc,
chël ëise fat a mé.“*

*y „Ci ch'i n'ëis nia fat a chisc mëndri,
chël n'ëise nia fat a mé.“*

Chësta é pordërt la sentënza.

Le iudize é na valutaziun dla vita.

*Do che Idî nes á scinché la creaziun, la vita y l'amur,
ti stál ince bëgn sura da dé na valutaziun:*

Tan bugn sunse pa stá sot ala bunté de Dî?

Tan iüsc sunse pa stá sot a süa iustizia?

Tan misericordiusc sunse pa stá sot al cil de süa misericordia?

Chësc ó Idî che vëgnes constaté, nia por ël, mo por nos.

Nos dessun savëi avisa, tan bugn ch'i sun stá sot ala löm dla grazia de Dî.


*Da chësc iudize n'unse nia bria da se temëi,
i un ciámó intant de tëm্প da vire do la orenté de Dî.*



	SAN MARTIN	LUNGIARÜ
26.11.17 34ª DOMËNIA - ANN A FESTA DE CRIST RE <i>Santa Zezilia –</i> <i>patrona dla musiga sacra</i>	9.30 Gran Mëssa por la Comunité 18.00 Devoziun a Crist Re 16.30 Prozesciun da S. Linert sö Oies 17.00 Funziun de conclujiun dla vijita pastoral a sö Oies	7.55 Corona 8.15 Gran Mëssa por la Comunité 16.30 Prozesciun da S. Linert sö Oies 17.00 Funziun de conclujiun dla vijita pastoral a sö Oies
27.11.17 Lönesc <i>Virgile, Oda</i>	20.00 Cërtil dla Bibla tla calonia da San Martin	20.00 Cërtil dla Bibla tla calonia da San Martin
28.11.17 Dedolönesc <i>Berta, Günther, Silvan</i>	15.30 Mëssa a Bioch + Elena Rubatscher Zingerle + Giovanni Tavella	
29.11.17 Dedemesaledema <i>Crisant, Iolanda</i>		7.30 Mëssa + Pire Clara, Mair + Frieda Huber Clara
30.11.17 Jöbia <i>André apostul</i>	7.30 Mëssa en onur de Sant André + Bino Pedevilla + Giovanni Pescoller Corona por vocaziuns	
01.12.17 Vëndres <i>Natalia, Florenzia</i>	18.30 Mëssa dl pröm vëndres en memoria de + siur Heinrich Videsott + + Monica y Tone Tolpeit dedô Adoraziun chîta y confesciuns	7.00 Adoraziun y confesciuns 7.30 Mëssa dl pröm vëndres + + Vantsch + Iaco y Veneranda Clara + Iaco Mischi
02.12.17 Sabeda <i>Luzius, Bibiana</i>	15.30 Mëssa tla Ciasa de Palsa 18.00 Rorate dla Musiga	20.00 Rorate dla Vijnanza Vi Lagoscel + + Franz y Veronica Costa dl ann de + Paul Daporta
03.12.17 1ª DOMËNIA D'ADVËNT – ann B <i>dales 19.00 chërda les</i> <i>ciampanes ala oraziun</i> <i>te familia</i>	9.00 Corona 9.30 Gran Mëssa Rorate por les families y benedisciun gherlandes d'Advënt 19.00 Oraziun d'Advënt te familia	7.55 Corona 8.15 Gran Mëssa Rorate por la Comunité y benedisciun gherlandes d'Advënt + + siur Stachio y suor Lucia Clara 19.00 Oraziun d'Advënt te familia



Signur, nosc re, benedëscesse,
benedëscesse, re dla pesc y dla salvëza,
tòlesse te tü brac, re dla misericordia,
cercenëiesse cun tüa benedisciun,
re dl cil y dla tera. Amen.



I á speré, scê, i á speré tl Signur.
Y al s'á ot pormez a me y á aldí mi scrai.
Al m'á metü tla bocia na ciantia nòia,
na ciantia de lauda a d'ël, nosc Dî.
Tröc l'aldiará y s'inchinará cun reverënza
y confidará tl Signur.
I n'ó nia scuté ia tüa bunté y tüa verité
y cianté cun dōta la comunité a to inom.

(do le Salm 40)